

SKUPŠTINA HERCEGOVAČKO- NERETVANSKOG KANTONA

313

Na osnovu člana 39. tačka f) Ustava Hercegovačko-neretvanskog kantona („Službene novine HNK“, broj: 2/98, 3/98, 4/00 i 7/04), Skupština Hercegovačko-neretvanskog kantona je na sjednici održanoj 01.09.2020. godine donijela

ZAKON O IZMJENAMA I DOPUNAMA ZAKONA O ORUŽJU I MUNICIJI U HERCEGOVAČKO- NERETVANSKOM KANTONU

Član 1.

U Zakonu o oružju i municiji u Hercegovačko-neretvanskom kantonu u („Službene novine HNK“, broj: 5/17), u članu 4. stav (2) tačka k) mijenja se i glasi:

„k) „hladno oružje“ su bokseri, bodeži, kame, mačevi, koplja, sablje, bajonete, te noževi čije se sječivo nalazi pod pritiskom sabijene opruge, a iz drške iskaču pritiskom na dugme, bez obzira na dužinu oštrice ili sakrivene oštrice, druga potajna oružja sa sakrivenim oštricama (oružni štapovi, oružni kišobrani i sl.), te metalne zvjezdice za bacanje. Hladnim oružjem smatraju se i razne vrste palica te drugi predmeti pogodni za nanošenje ozljeda.“

Član 2.

U članu 7. stav (1) tačka a) mijenja se i glasi:

„ a) Zabranjeno oružje – oružje i municija kategorije A, hladno oružje kojem je osnovna namjena napad ili nanošenje ozljeda i predmeti pogodni za nanošenje ozljeda, kada se nose na javnom mjestu, a način ili okolnosti njihovog nošenja ukazuju da se nose kako bi bili upotrebljeni za napad ili nanošenje ozljeda te oružje kategorije C i D kada se koristi za uznemiravanje, napad i nanošenje ozljeda.“

Član 3.

U članu 7. stav (4) riječ: „nabavljanje“ briše se.

Član 4.

U članu 11. stav (4) dodaje se rečenica: „Nadležni organ može službenim putem izvršiti provjeru je li osoba osuđivana za krivično djelo.“

Član 5.

Član 15. stav (1) mijenja se i glasi:

„(1) Ispunjavanje uslova iz člana 10. stav (3) tačka b) ovog Zakona, za oružje kategorije B podnosioc zahtjeva dokazuje potvrdom o položenom ispitu i osposobljenosti za pravilno držanje, nošenje i rukovanje oružjem, kao i:

a) lica koja već posjeduju ili su posjedovale registrovano oružje te vrste, kao i lica koja imaju ili su imali sukorisništvo oružja te vrste, dokazuju važećom ispravom o oružju ili potvrdom iz evidencije nadležnog organa.

b) za oružje kategorije B koje se nabavlja radi lične bezbjednosti, a koje nabavljaju lica koja obavljaju ili su obavljale poslove policijskog službenika, službenika sudske policije, službenika straže kazneno-popravnih ustanova, službenika obavještajno-sigurnosnih agencija BiH, osiguranja lica i imovine, profesionalne vojne osobe, uz dokaz institucije da po formaciji nose tu vrstu oružja ili da su završili obuku,

c) za oružje kategorije B koje se nabavlja radi bavljenja sportskim streljaštvom – uvjerenjem sportske streljačke organizacije da je kao član iste osposobljen za rukovanje te vrste oružja.“

Član 6.

U članu 15. stav (3) Zakona dodaje se nova rečenica:

„Obuku u rukovanju vatrenim oružjem može obavljati i ministarstvo.“

Član 7.

U članu 17. iza stava (4) dodaju se stavovi (5) , (6), (7) i (8) koji glase:

„(5) Pravno lice i poduzetnik, rukovanje i korištenje oružja može povjeriti samo punoljetnom licu koje ispunjava uslove propisane članom 10. stavom (2) tačkama c), d) i e), stavom (3) tačkama a) i b) i stavom (4).

(6) Uslove iz stava (5) ovog člana provjerava nadležni organ na zahtjev pravnog lica ili poduzetnika.

(7) Nadležni organ obavještava pravno lice i poduzetnika o izvršenim provjerama, na osnovu koje pravno lice i poduzetnik izdaje potvrdu o povjeravanju oružja sa rokom važenja tri godine.

(8) Pravno lice i poduzetnik je dužno da po saznanju da lice kojem je povjereno oružje više ne ispunjava uslove iz stava (5) ovog člana, rješenjem oduzme potvrdu i povjereno oružje o čemu u roku od osam dana obavještava nadležni organ.“

Dosadašnji stav (5) postaje stav (9).

Član 8.

Iza člana 17. dodaje se član 17a) koji glasi:

Hercegovačko-neretvanskog kantona

„Član 17a)

(Prijava oružja kategorije C pravnih lica i poduzetnika)

(1) Pravna lica i poduzetnici koji nabavljaju oružje kategorije C uz zahtjev za prijavu oružja prilažu i ovjerenu fotokopiju rješenja o odobrenju djelatnosti iz koje je vidljivo da su isti registrovani za bavljenje sportskim streljaštvom ili sličnom djelatnošću.

(2) U slučaju prestanka rada pravnog lica i poduzetnika iz stava (1) ovog člana isti su dužni oružje do prodaje, predati na čuvanje nadležnom organu ili ovlaštenom trgovcu oružjem.“

Član 9.

U članu 19. stav (4) briše se.

Član 10

U članu 25. stav (1) riječ: „deset“ zamjenjuje se riječju: „pet“.

Član 11.

U članu 29. stav (4) iza tačke dodaje se nova rečenica koja glasi: „Zamjenu oružja fizičko, pravno lice i poduzetnik može izvršiti i kod ovlaštenog trgovca oružja samo za vrstu oružja za koju ima oružni list, odnosno odobrenje za držanje oružja.“

Član 12.

U članu 29. stav (6) iza tačke dodaje se zarez i riječi: „kao i u ministarstvu.“

Član 13.

U članu 44. iza stava (6) dodaje se stav (7) koji glasi:
„(7) Oružje iz stava (1) ovog člana za koje u roku od pet godina od dana izdavanja potvrde iz stava (2) ovog člana nije završen ostavinski postupak, rješenjem nadležnog organa se oduzima i daje ministarstvu na raspolaganje.“

Član 14.

U članu 46. stav (1) iza riječi: „tački b), c)“ dodaje se „d)“.

Član 15.

U članu 48. stav (1) tačka a) iza riječi: „saobraćaja“ dodaje se znak zarez i briše se riječ: „ili.“

Član 16.

U članu 66. stav (1) tačka a) mijenja se i glasi:
„ a) nabavi, drži i nosi hladno oružje kojem je osnovna namjena napad ili nanošenje ozljeda i predmete pogodne za nanošenje ozljeda, kada se nose na javnom mjestu, a način ili okolnosti njihovog nošenja ukazuju da se nose kako bi bili upotrebljeni

za napad ili nanošenje ozljeda te oružje kategorije C i D kada se koristi za uzmemiravanje, napad i nanošenje ozljeda (član 7. stav (1) tačka a)).“

Član 17.

U članu 66. stav (1) iza tačke a) dodaje se tačka b) koja glasi:

„b) nabavi, drži i nosi oružje kategorije C bez odgovarajuće isprave (član 7. stav (4))“;

Dosadašnje tačke od b) do s) postaju tačke od c) do t).

Član 18.

U članu 68. stav (1) iza tačke b) dodaje se tačka c) koja glasi:

„c) nabavi municiju za vrstu oružja za koju nema važeću ispravu o oružju (član 26.)“ Dosadašnje tačke od c) do q) postaju tačke od d) do s).

Član 19.

U članu 70. stav (1) iza tačke a) dodaju se tačke b) i c) koje glase:

„b) povjeri oružje licu koje ne ispunjava uslove ili ako ne oduzme potvrdu i povjereno oružje (član 17. stavci (7) i (8));

c) ne preda oružje na čuvanje (član 17a) stav (2))“;
Dosadašnje tačke od b) do p) postaju tačke od d) do s).

Član 20.

U članu 73. stav (1) Zakona riječi: „u skladu sa odlukom o predaji oružja“ zamjenjuju se riječima: „ako najkasnije do 31.12.2021.godine podnesu zahtjev za izdavanje isprave o oružju“.

Član 21.

U članu 73. stav (2) Zakona mijenja se i glasi:

„(2) Podnositelj zahtjeva nije dužan dokazati porijeklo oružja“.

Član 22.

Ovaj Zakon stupa na snagu osmog dana od dana objavljivanja u „Službenim novinama Hercegovačko-neretvanskog kantona.“

Bosna i Hercegovina
Federacija Bosna i Hercegovine
Hercegovačko-neretvanski kanton
SKUPŠTINA

Broj: 02-01-VIII-091/20
Mostar, 01.09.2020.godine

PREDSJEDAVAJUĆI
Šerif Špago, s.r.